



SIUMUT INATSISARTUNI ILAASORTAT

30. april 2012

Inatsisartut suleriaasianni § 37 naapertorlugu Naalakkersuisunut apeqqutit utoqqartut tunngasut kiisalu utoqqaat pillugit misissuisarnerit pillugit apeqqutit imaattut saqqummiuppagut:

Naalakkersuisunut apeqqutit:

- 1. Utoqqarnut tunngatillugu periusissap saqqummiunneqarnissaa sioqqullugu, Naalakkersuisut qanoq annertutigisumik nunatsinni utoqqaat peqatigiiffiunut (tusarniaalluni) attaveqartarniarpa?**
- 2. Misissuinerit qanoq amerlatigisut qanorlu pitsaassuseqartut kiisalu paasisat pigineqareersut suut utoqqarnut tunngatillugu periusissamut UKA 2012-imi saqqummiunneqartussamut tunngaviussappat?**
- 3. Kalaallit Nunaanni utoqqaat inuuniarnikkut atugaat pillugit misissuinissamik sunik Naalakkersuisut massakkut ingerlatsinissamik pilersaaruteqarpap?**
- 4. Naalakkersuisut 2012-imi 2013-imiluunniit utoqqaat atugaat pillugit kiisalu utoqqarnik isumaginninnermut tunngatillugu utoqqarnik ataatsimeersuarnissamik isumasioqatigiisitsinissamilluunniit pilersaaruteqarpap? Taamaattoqanngippap; Naalakkersuisut taamatut suliniutinik aallartitsinissamik pilersaaruteqarpap?**
- 5. Kalaallit Nunaanni utoqqaat atugaat utoqqaat pillugit misissuinerit ilanngunneqarnissaat imaluunniit Nunani Avannarlerni suleqatigiinneranut atatillugu utoqqarnut tunngasut qanoq annertutigisumik ilanngunneqarnissaat Naalakkersuisut qulakkeerniarpaat?**

(Inatsisartunut ilaasortat Kim Kielsen aamma Malik Berthelsen, Siumut)

Tunngavilersuut:

Ukiuni makkunani inuuniarnermi atukkanut tunngatillugu kalaallit akornanni meeqqat inuusuttullu aamalu inuit ulorianartorsiorlut atugaat annertuumik samminneqarpap. Tamanna namminermini pingaaruteqarpap tapersersornarlunilu.

Tamatumunngalu peqatigitillugu aamma innuttaaqatitta utoqqaanerusut taakkulu atugaasa ilanngullugit sammineqarnerunissaat kissaatigaarpap. Matumani piffissamut qaninnermut ungasinnerusumullu tunngatillugu. Akileraartarnermut Atugarissaarnermullu isumalioqatigiisitap 2011-mi martsimi isumaliutissiisutaani kapitali 5-ip *Utoqqarnik isumaginninneq* misissornerani pissutsit erseqqissumik utoqqaat pillugit ilisimasamik paasissutissanillu amigaateqartutut takutippap. Naalakkersuisut UPA 2012/121-imut tunngatillugu akissuteqaataat atuarlugu Naalakkersuisut utoqqaat atugaat pillugit pissutsit amerlasuut missorneqartariaqarnerannik eqqummarinninnerat nuannaarutigarpap. Matumani amerlassutsimut pitsaassutsimullu

tungatillugu. Utoqqarnut periusissap saqqummiunneqannginnerani misissuinerit assigiinngitsut ingerlanneqarsimasariaqaraluarput, imaassinnaavorlimi aamma suliat taakku massakkut ingerlanneqartut.

Taamaattoq utoqqaat pillugit utoqqarnillu paasissutissat ilisimasallu assigiinngitsut ujartorpavut, taamaammallu Naalakkersuisut tamanna pillugu sunik pilersaaruteqarlutillu takorluugaqarnersut aperusuppavut.

Periutsit aaqqissuusseqqinnerillu pineqartut peqatigalugit ilusilersorneqarlutillu piviusunngortinneqartariaqarput. Naalakkersuisut utoqqaat peqatigiiffiik qanimut attaveqarnissaannik utoqqaalluunniit pillugit utoqqaat peqatigalugit tusarniaanernik ingerlatsinissaannik kaammattorumavakka, taamaalilluni utoqqaat qulaatiinnarlugit suliniutinik ingerlatsisoqaqqunagu, illuatugaagulli taakku suleqatigalugit suliniutinik pilersitsinissaq ingerlateqqullugu.

2010-mi Nunat Avannarliit suliniaqatigiiffianni utoqqarnik isumattuineq utoqqaallu inuunerisa pitsaassusaat immikkut qulequttatut sammineqarpoq. Kalaallilli Nunaanni utoqqaat atugaat pillugit nunanut avannarlernut sanilliussilluni misissuisinnaaneq ujartorpara, immaqaluunniit utoqqartatta taakkulu atugaasa Nunat Avannarliit Siunnersuisoqatigiiffianni sulinermut ilanngunneqarnerunissaannik qulakkeerinninnerusinnaanerput ujartorparput.

Apeqqutitta kingusinnerpaamik ullut suliffiusut qulit qaangiutsinnagit akineqarnissaat kissaatigaarput.